

皇
清
經
解

金

清

經

解

皇清經解卷一千二百四十一

學海堂

易義別錄

武進張編修惠三言著

周易于氏卷下

下經 彖 象

明夷

獲明夷之心于出門庭注云一爲室二爲戶三爲庭四爲門故

曰于出門庭矣

集解

此爻位遠近之例

蹇

九五大蹇朋來象曰大蹇朋來以中節也注云在險之中而當王位故曰大蹇此蓋以託文王爲紂所囚也承上據四應二眾

陰並至以三陰爲朋此蓋以託四臣能以權智相救也故曰以

中節也

集解

承據例諸家唯以陰承陽于則凡在下者曰承

益

王用享于帝吉注云聖王先成其民而後致力于神故王用享

于帝在巽之宮益巽五世卦處震之象震巽皆木是則蒼精之

帝同始祖矣

集解

六二益之用凶事无咎有孚中行告公用圭象曰益用凶事固有之矣注云固有如桓文之徒罪近篡弑功實濟世六三失位而體姦邪震三庚辰辰主土方之情樂樂行姦器處震之動懷巽之權巽以申命以行權是矯命之士爭奪之臣桓文之爻也

故曰益之用凶事在益之家而居坤中互象能保社稷愛撫人
民故曰无咎既乃中行近仁故曰有孚中行然後俯列盟會仰
致錫命故曰告公用圭

集解

互卦例

史

孚號有厲其危乃光也注云史九五則飛龍在天之爻也應天
順民以發號令故曰孚號以剛決柔以臣伐君武王伐紂之事
也剛決柔而象臣伐君蓋以陽自下升以至五也蓋易象于是
大謬矣君子危之故曰有厲德大即心小

即當爲而

功高而意下故

曰其危乃光也

集解

告自邑注云殷民告周以紂无道

集解

姤

九五以杞包瓜注云初二體巽爲草木二又爲田虞氏象例田中之果柔而蔓者瓜之象也

集解蓋以初爲瓜二爲杞

升

九二孚乃利用禴象曰九二之孚有喜也注云剛中而應故孚也又言乃利用禴于春時也春禴殷禮非時而祭曰禴然則文王儉以恤民四時之祭皆以禴禮神享德與信不求備也故旣濟九五曰東鄰殺牛不如西鄰之禴祭實受其福九五坎坎爲豕然則禴祭以豕而已用鄭禮記注不奢淫于禮故曰有喜矣

集解

困

初六臀困于株木注云兌爲孔穴逸象坎爲隱伏隱伏在下而

漏孔穴臀之象也集解若以兌爲孔穴則出隱伏之上非臀象尤

非初象干氏取象其疏如此

井

井改邑不改井无喪无得往來井井汔至亦未繙井羸其瓶凶

注云水殷德也木周德也坎爲水巽爲木又井震宮五世卦震

木變坎水夫井德之地也所以養民性命而清絜之主者也自

震化行至於五世改殷紂比屋之亂俗而不易成湯昭假之法

度也故曰改邑不改井二代之制各因時宜損益雖異括囊則

同括囊猶大致也故曰无喪无得往來井井也當殷之末井道

之窮故曰汔至周德雖興未及革正故曰亦未繙井井泥爲穢

百姓無聊比者姚本作屋是也之間交受塗炭故曰羸其瓶凶矣集解

初六井泥不食舊井无禽注云在井之下體本土爻巽初辛丑

丑為土故曰泥也井而為泥則不可食故曰不食此託紂之穢

政不可以養民也舊井謂殷之未喪師也亦皆清絜无水禽之

穢又況泥土乎故舊井无禽矣集解

九三井渫不食為我心惻可用汲王明並受其福象曰井渫不

食行惻也求王明受福也注云此託殷之公侯時有賢者獨守

成湯之法度而不見任謂微箕之倫也故曰井渫不食為我心

惻惻傷悼也民乃外附故曰可用汲周德來被故曰王明王得

其民民得其王故曰求王明受福也集解

上六井收甃幕元吉釋文 集解象曰元吉在上大成也注云

處井上位在瓶之永也故曰井收幕覆也井以養生政以養德
无覆水泉而不惠民无蘊典禮而不興教故曰井收罔幕罔幕
則教信於民民服教則大化成也

集解

革

巳日乃孚革而信之注云天命已至之日也乃孚大信著也武
王陳兵孟津之上諸侯不期而會者八百國皆曰紂可伐矣武
王曰爾未知天命未可也還歸二年紂殺比干囚箕子爾乃伐
之所謂巳日乃孚革而信也

集解

革之時大矣哉注云革天地成四時誅二叔除民害天下定武
功成故大矣哉也

集解

初九輦用黃牛之革注云輦固也離爲牝牛用荀氏逸象窮爻

本坤离得坤黃牛之象也坤色黃在革之初而无應據未可以動故曰輦用黃牛之革此喻文王雖有聖德天下歸周三分有二而服事殷其義也

集解

九四悔亡有孚改命吉象曰改命之吉信志也注云爻入上象喻紂之郊也下卦爲內上卦爲外故四象紂郊以逆取而四海順之動凶器而前歌後舞故曰悔亡也中流而白魚入舟天命信矣故曰有孚甲子夜陳雨甚至水德賓服之祥也故曰改命之吉信志也

集解

上六君子豹變小人革面征凶居貞吉象曰君子豹變其文蔚也小人革面順以從君也注云君子大賢次聖之人謂若太公周召之徒也豹虎之屬蔚炳之次也君聖臣賢殷之頑民皆改

志從化故曰小人革面天下既定必倒載于戈包之以虎皮將

卒

當為率

之士使為諸侯故曰征凶居貞吉得正有應君子之象

也

集解

鼎

六五鼎黃耳金鉉利貞注云凡舉鼎者鉉也尚三公者王也金

喻可貴巾之美也故曰金鉉鉉鼎得其物施令得其道故曰利

貞也

集解

上九鼎玉鉉大吉无不利注云玉又貴於金者凡亨飪之事自

鑊升於鼎載於俎自俎入於口馨香上達動而彌貴故鼎之義

上爻愈吉也鼎主亨飪不失其和金玉鉉之不失其所公卿仁

賢天王聖明之象也君臣相臨剛柔得節故曰吉无不利也

集解

震

出可以守宗廟社稷以爲祭主也注云周木德震之正象也爲
殷諸侯殷諸侯之制其地百里是以文王小心翼翼昭事上帝
聿懷多福厥德不回以受方國故以百里而臣諸侯也爲諸侯
故主社稷爲長子而爲祭主也祭禮薦陳甚多而經獨言不喪
匕鬯者匕牲體薦鬯酒人君所自親也

集解說七鬯用鄭

初九震來虩虩後笑言啞啞吉注云得震之正首震之象者震
來虩虩美里之厄也笑言啞啞後受方國也

集解

六二震來厲億喪貝躋于九陵勿逐七日得象曰震來厲乘剛
也注云六二木爻震二庚寅寅木也震之身也惠徵士云震爲
木木爻爲震之身得位无應而以乘剛爲危此託文王積德累

功以被囚爲禍也故曰震來厲億歎辭也貝寶貨也產乎東方
行乎大塗也據闕天之徒于江淮之浦求得大貝江淮東南亦
得云東方也震爲東方爲大塗此以喻紂拘文王闕天之徒乃
於江淮之浦求盈箱之貝而以賂紂也故曰億喪貝貝水物而
方升於九陵今雖喪之猶外府也故曰勿逐七日得七日得七
年之日也故書曰誕保文武受命惟七年是也

集解

卦身例惠徵士云震以六二庚寅爲身則乾之九四壬申金
坎巽離之上爻戊子水辛卯木己巳火兌之九五丁酉金皆
身也坤初六乙未六四癸丑皆土艮初六丙辰六四丙戌皆
土是有二身所未詳也又乘例

漸

象曰其羽可用為儀吉不可亂也注云處漸高位斷漸之進斷

字疑誤義未詳順艮之吉謹吳之全履坎之通據離之耀互離

坎婦德既終母教又明有德而可受受字亦疑誤有儀而可象

故曰其羽可用為儀不可亂也

集解

歸妹

歸妹人之終始也注云歸妹者衰落之女也父既沒矣兄主其

禮子續父業人道所以相終始也

集解

象曰澤上有雷歸妹君子以永終知敝注云雷薄于澤八月九

月將藏之時也歸妹內卦候八月外卦九月君子象之故不敢

恃當今之虞虞安也而慮將來之禍也

集解

豐

勿憂宐日中注云豐坎宮陰世在五坎五世五陰爻以其宐中

而憂其側也至五世將游魂坎為夜子也為晝午也以离變

坎至於天位日中之象也殷水德坎象晝敗姚本作晝敗是也寫者因上有离為

晝之文而誤耳而离居之周伐殷居王位之象也聖人德大而心小既

居天位而戒懼不怠勿憂者勸勉之言也猶詩曰上帝臨爾无

貳爾心言周德當天人之心宐居王位故宐日中集解

九二豐其芾釋文宋本如此注云芾祭祀之蔽膝釋文用鄭本或作其韋非

上六豐其屋蔀其家闐其戶闐其无人三歲不覲凶注云在豐

之家居乾之位震上庚戌戌為乾位乾為屋宇故曰豐其屋此

蓋記丁敘授云紂之侈造為璿室玉臺也蔀其家者以記亦當為託

紂多傾國之女也社稷既亡宮室虛曠故曰闐其戶闐其无人

闐無人貌也三者天地人之數也凡國於天地有興亡焉故王者之亡其家也必天示其祥地出其妖人反其常非斯三者亦弗之亡也故曰三歲不覲凶然則璿室之成三年而後亡國矣

集解旅

六五射雉一矢亡終以譽命象曰終以譽命上逮也注云离爲雉爲矢與爲木爲進退艮爲手兌爲洩有木在手進退其體矢洩於外射之象也一陰升乾离六五一陰入乾中故曰一矢履非其位下又无應雖復射雉終亦失之故曰一矢亡也一矢亡者喻有損而小也此記

當爲託

祿父爲王者後雖小叛擾終逮安

周室訓逮爲安也故曰終以譽命矣

集解

節

上六苦節貞凶悔亡注云彖稱苦節不可貞在此爻也稟險伏之教坎爲險爲隱伏懷貪狼之志坎上戊子子主北方愛爲貪狼以苦節之性而遇甘節之主必受其誅華士少正卯之父也故曰貞凶苦節既凶甘節志得故曰悔亡

集解

中孚

吾與爾靡之

釋文

注云靡散也

釋文

既濟

婦喪其茀注云茀馬髻也

釋文

九三高宗伐鬼方三年克之注云高宗殷中興之君鬼北方國也高宗嘗伐鬼方三年而後克之商爲戈兵故稱伐坎當北方